

A *rubá***A** *ntaño*

Tesoronan di Aruba

Den nos ARUBA ANTANO nos a yega di tende, mira y conoce produccion for di cierto materia prima cual den nan tempo a forma parti di e economia di nos isla. For di tempo hopi promé cu phosfaat, nos a bin haya manera den un Aruba Antaño cual ya nos a yega di menciona esun di cochinilla. A bini varios otro despues cu mester a hala un banda ora cu productonan quimico a ocupa nan lugar. Tabatin cochinilla, divi-divi, salo, mes, y aloe cu un biaha mas ta lanta cabez.

Aloe mecos cu konoflok ta dos tesoro for di bao terra, esta sin conta petroleo entre nan. E prome cabez aloé a bini for di Africa, y esaki a ser planta den e lugar cu awe yama Socotoro, por cierto for di dje tambe a sali e nomber pa e barrio aki. E cultivacion di aloé a cuminsa casi un shen aña pasa. Na 1912 nada menos cu 37 mil kilo di esaki a ser exportá. Pero algo di nos herdenan cu tabata wanta e cayente di solo, cortando esaki y herbiendo pa despues pone den caha y trece Playa pa ser pisá y ser paga pa nan labor. E cahanan ta ser poni rirba balansa y e cortadornan tabata confiando cu tur cos ta socede cu honestidad. Nos no kier bisa cu no ta asina, pero ta corda riba esaki ora cu e boto di e piscadornan yega Aruba y ta bende nan pisca dilanti blvd.

E aloé te caminda nos sa tabata ser cumprá dor di Sr. Addison W. Croes. Dor di esfuerzo y tempo dedicá, e cultivacion di aloé den un forma a bolbe reviva. Difunto Janni Eman despues basta aña trahando di saca algo nobo for di aloé a logra y hiba un producto di Aruba riba terreno internacional. Pero den nos Aruba Antaño nos tin no solamente den nos antepasadonan pero tambe den parti di traha y saca lo mihor for di nos suelo. E tempo ey lo bolbe? Mirando tur loke ta pasando awendia? Nada straño y por tin tur posibilidad cu SI!